

INUIT ATAQATIGIIT

Inatsisartuni



UPA 2017/41
Nuuk 01.05.17.
Peter Olsen

Meeqqat atuarfianni fagini tamani akunnernut ilinniartitsiviusussanut minnerpaaffiliinissaq anguniarlugu inatsimmut atuuttumut allannguutissatut siunnersuummik saqqummiussinissamut Naalakkersuisut peqquneqarnissaannut inatsisartut aalajangiiffigisassaattut siunnersuut. Inatsisip allanngortinneqarneranittaaq akullerni atuartuniit tulluttut danskisullu akunnerit ilinniartitsiviusut amerlaqatigiilernis-saat qulakkeerneqassaaq. Allanguut aggstimi 2020-mi atuutilissaaq.

(Inatsisartuni ilaasortaq Mimi Karlsen, Inuit Ataqatigiit)

Inatsisartunut ilaasortap Mimi Karlsenip Inuit Ataqatigiinneersup oqaluuseri-sassamut soqutiginarumut pissanganartumullu qulaani pineqartumut qujalluta matumuuna Inuit Ataqatigiinniit imatut oqaaseqarfigissavarput.

Oqaatsit sulluunniit tamarmik assigiimmik pingaaruteqarput. Pingaarneru-soqaranilu pingaan-nginnerusoqanngilaq.

Oqaatsit avatangiisinut attaveqarnissamut sakkussatut pingaaruteqarluinnar-put; Soorlutaaq oqaatsit tassaasut kinaassutitsitta tunngavilerniarani, inuttullu nammineq immitsinnut nassaariniarnitsinni pingaarutilimmik inissisimasuullu-tik.

Nunarsuarmioqataaleraluttuinnarnerput eqqarsaatigalugu pingaaruteqarluin-narpoq ilitsoqqussaralugu oqaatsitta ilikkarluarsimanissaata saniatigut, takorn-artat oqaasinik aamma ilinniartinneqar-nissarput.

Taavami takornartat oqaasii sorliit meeqqat atuarfiini atuartitsissutigineqartas-sappat? Soorliit pingaarnerutissavagut salliutillugillu? Sorliit pingaannginne-russappat kingulliusappallu?

Danskisut oqaatsit? Tuluttut oqaatsit? Franskisut oqaatsit? Spanskisut oqaat-sit? Kineseritut oqaatsit? Imaluunniit takornartat oqaasii soorliit meeqqat atu-arfianni atuartitsissutigissallugit piukkunnar-nerpaassagaluarpat?

Danskisut oqaasii saniatigut, tuluttut oqaatsit meeqqat atuarfianni atuartitsis-sutigineqartarnissaat pingaaruteqartoq Inuit Ataqatigiinniit isumaqarpugut;

Danskisut oqaasii imaaliillaannaq oqaallaataa 1 – 2- 3 ullormiit ullormut nuna-tsinni atorunnaarsissinnaanngilavut. Ilaatigut allaffissornikkut danskisut oqaasii suli ullumikkut nunatsinni initungaatsiarnerat pissutigalugu, minnerunngitsumi-

Ilu danskinut ukiuni 300-nngulersuni attaveqatigiissimanitta kinguneranik ilaqutariissutitsikkut (oqaluttuarisaanikkut) qileruteqalersimanerput pissutigalugu.

Nunarsuarmioqataaleraluttuinnarnerpullu ilutigalugu tuluttut oqaatsit aamma pinngitsoorsinnaajunnaaraluttuinnarpagut.

Soorlu siunnersuuteqartup aamma nammineerluni tunngavilersuuteqarnermini ilaatigut oqartoq;

Attaveqatigiinnikkut, ilinniartitaanikkut, nipilersornikkut, filmiliornikkut, politikikkut, niueqatigiinnikkullu tuluit oqaasii, danskit oqaasiitulli pingaartigilersimapput pinngitsoorneqarsinnaajunnaarsimallutillu.

Taamaattumik...

Uagut oqanngilagut tuluttut oqaatsit pingaarnersapput salliussappullu, qallunaatullu oqaatsit pingaarnersanngillat kingulliussappullu. Naamik, uagut oqarpugut oqaatsit taakku tamarmik assigiimmik pingaaruteqartut, tamarmillu assigiimmik pineqartariaqartut.

Taamaattumik, inatsisip allangortinneqarneratigut akullerni atuartuniit tullutut danskisullu akunnerit ilinniartitsiviusut amerlaqatigiilernissaata qulakkeerneqarnissaaanik, allanguutillu aggustimi 2020-mi atuutilernissaanik inatsisartunut ilaasortap Mimi Karlsenip siunnersuutaa Inuit Ataqatigiinniit isumaqatigaarput tapersorsorparpullu.

Taamatut naatsumik oqaaseqarluta siunnersuut taperserlugu ataatsimiisitalia-mi susassaqartumut suliareqqitassanngorlugu ingerlateqqipparput.

Qujanaq

Peter Olsen